

**Uunga siunnersuut: Kommunit aqunneqarnerat pillugu Inatsisartut inatsisaat nr. xx, xx. xxx 2017-imeersoq.**

(Kommunit, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

**Akissuteqaat**

(Kommunit, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

**Pingajussaaneerpeqarnera**

Naalakkersuisut sinnerlugit matumuuna kommunit aqunneqarnerat pillugu Inatsisartut inatsisissaattut siunnersuummut allannguutissatut siunnersuut saqqummiuppara.

Avannaata Kommunitani Ikaarsaarnermut Ataatsimiititaliap qinnuteqarnera tunngavigalugu Naalakkersuisut Inatsiseqarnermut Ataatsimiititaliap qinnuigaat, inatsisissatut siunnersuutip allanngortinneqarnerani illoqarfinni, kommunit ingerlanneqarneranni qullersaqarfeqartuni aamma najukkani ataatsimiititalianik pilersitsisoqarsinnaalernissaa eqqarsaatigeqqullugu.

Tamanna tunngavigalugu illoqarfiit tamarmik naligiimmik inissinneqartariaqartut, taamaattumillu najukkani ataatsimiititalianik pilersitsisussaataitanerup aamma illoqarfinnut, kommunit ingerlatsineranni qullersaqarfeqartunut atuutsinneqartariaqartoq Inatsiseqarnermut Ataatsimiititaliap isumaliutissiisummini inassuteqarpoq. Kiisalu tamanna siunertaralugu ataatsimiititaliap Naalakkersuisut allannguutissatut siunnersuummik saqqummiusseqqullugit qinnuigai.

Naalakkersuisut allannguutissatut siunnersuummik matuminnga saqqummiussinermikkut Inatsiseqarnermut Ataatsimiititaliap inassuteqaataa naammassivaat.

Kiisalu najukkani ataatsimiititalianik qinersisarneq pillugu aalajangersagaq erseqqissarneqarpoq, aammalu Naalakkersuisut nunaqarfinni aqutsisuni siulittaasut akissarsiaannut tapeqartitsisarneq, aammalu Nakkutilliisoqarfimmut ilaasortassanik sinniisissanillu toqqaasarnerit pillugit maleruagassanik aalajangersaasarnissaannut inatsisitigut tunngavissamik ikkussisoqarpoq.

Inaarutaasumik inatsimmut siunnersuutip kalaallisoortani oqaatsit kukkunerit aamma amigaataasut aaqqissuunneqarput, kiisalu tassunga ilaasumi oqaaseqaatitani.

Naalakkersuisut allannguutissat taakku inassuteqaatigalugit inatsisissatut siunnersuutip akuerineqarnissaa inassutigaat.